

UPUTE ZA UČENIKE ZA POSTUPANJE TOKOM ORGANIZACIJE I RADA ŠKOLE ZA VRIJEME TRAJANJA PANDEMIJE NOVOG KORONAVIRUSA (SARS-CoV-2) I OBOLJENJA KOJE ON UZROKUJE COVID-19

1. Učenici su dužni dolaziti u školu u manjim grupama, te napuštati školu također u manjim grupama, držeći fizičko odstojanje od najmanje 1,5 m. Učenici prolaze kroz zajedničke prostorije bez dodirivanja rukohvata i drugih površina i predmeta u školskom prostoru.
2. Učenici su dužni kretati se najkraćom unaprijed određenom rutom do svog odjeljenja (ili neke druge prostorije u školi ukoliko je to neophodno).
3. Svaki učenik sam postupa sa svojom odjećom, priborom i predmetima potrebnim za izvođenje nastave. Također, učenik nosi zapakovanu užinu koju ne dijeli sa drugima.
4. Učenici koji pripadaju ranjivim skupinama ili sa hroničnom oboljenjima, mogu isključivo po zahtjevu roditelja ostati kod kuće i za njih će se organizirati nastava na daljinu.
5. Školski čas traje 30 minuta, a dnevno opterećenje nastavom biće do 5 časova u predmetnoj nastavi u srednjoj školi. Ukida se veliki odmor, a za vrijeme malog odmora (5 minuta) učenici uglavnom ostaju u učionici i pripremaju se za naredni čas.
6. Zbog kratkog nastavnog časa, učenici su dužni redovno pratiti online platforme zbog materijala koji će nastavnici redovno ostavljati za svoj predmet.
7. Škola će učiniti školsko okruženje maksimalno sigurnima za sve učenike, nastavnike i ostalo školsko osoblje. Sigurno okruženje, zahtijeva određene restriktivne mjere, maksimalnu odgovornost svih uposlenika i učenika škole, poštivanje i razumijevanje od strane roditelja te obaveznu prilagodbu organizacijske izvedbe nastavnog procesa, u skladu sa raspoloživim prostorno-materijalnim uvjetima.
8. Roditelji će obavezno prije upućivanja učenika u školu napraviti procjenu zdravstvenog stanja učenika (povišena tjelesna temperatura, osjećaj malaksalosti, kašalj, curenje nosa i sl.) i isto evidentirati u propisani obrazac, koji su učenici dužni donijeti u školu svaki dan. A dostupan je roditeljima za pružimanje na web stranici škole.
9. Učenici su dužni nositi maske sve vrijeme boravka u prostorijama škole, osim za vrijeme časa kada sjede u klupi kada se maska može odložiti, gdje svaki učenik sjedi sam. Svaki učenik je dužan imati kod sebe rezervnu masku u slučaju da se prvobitna ošteti ili uprlja. Također, ne dodirivati nos, oči i lice rukama osim ako nije neophodno. Masku se mora nositi za vrijeme kretanja po prostorijama škole, za vrijeme malih

odmora te za vrijeme dolaska i odlaska u i iz škole. Kao izuzetak povremeno je dozvoljeno skidanje zaštitne maske u sljedećim situacijama: prilikom bavljenja sportskim i drugim fizičkim aktivnostima, ukoliko nošenje zaštitne maske ugrožava ili narušava zdravstveno stanje osobe koja je nosi a o tome roditelj isključivo obavještava razrednika te prilaže dokumentaciju koja potvrđuje stanje organizma učenika (oboljenja respiratornog sistema isključujući COVID-19, alergijske reakcije, i sl.), prilikom konzumiranja jela i pića, na satu bosanskog jezika i stranih jezika u situacijama kada se radi na razvoju govora, početnom čitanju i pisanju i sl.

10. Po dolasku u školu učenici se ne zadržavaju nepotrebno u školskom dvorištu nego odmah ulaze u školu. Na ulazu u školu vrše dezinfekciju ruku te ih dočekuju dežurni nastavnici i upućuju u razred
11. Učenici su dužni poštovati upute dežurnih profesora, predmetnog nastavnika o kretanju unutar prostorija škole, sa naglaskom na fizičkoj udaljenosti od najmanje 1,5m.
12. Ukoliko postoji potreba odlaska učenika u toalet obavezno se javiti predmetnom profesoru za vrijeme trajanja časa koji će mu omogućiti odlazak u isti da bi se izbjeglo nepotrebno kretanje za vrijeme malog odmora, a mali odmor provoditi u prozračenoj učionici i pripremati se za naredni čas.
13. Napomena za dežurne učenike: Sve osobe koje ulaze u prostor ustanove (osim učenika i zaposlenika) na ulazu prije ulaska trebaju ispuniti odgovarajući epidemiološki upitnik koji će biti dostupan na ulazu škole. Izvršiće se i mjerenje temperature beskontaktnim toplomjerom, ukoliko za to postoje mogućnosti. U prostorije ustanove ući će samo jedna osoba u jednom trenutku. Posjetitelj će kontaktirati samo sa jednom osobom koja treba da mu pruži uslugu, i to na udaljenosti od dva metra i po mogućnosti u hodniku a ne u kancelarijama, te nikako u prostorima u kojima borave učenici, a dežurni učenik će obavijestiti osobu kod koje treće lice dolazi o eventualnom susretu.
14. U slučaju povišene tjelesne temperature učenik ne smije doći u školu. Roditelji će javiti razredniku razlog izostanka sa nastave.
15. Ako učenici razviju simptome COVID-19 infekcije tokom boravka u ustanovi poput groznice, povišene tjelesne temperature, grlobolje, otežanog disanja, curenja iz nosa, bolovi u mišićima, gubitak mirisa i okusa, proliv i sl., učitelj, razrednik, pedagog ili drugi nadležni zaposlenik odmah obavještavaju roditelje, koji u najkraćem mogućem roku moraju doći po učenika, te poštovati sve mjere zaštite (maska, fizička udaljenost, pranje i dezinfekcija ruku).
16. Učenici su dužni držati fizičku udaljenost, te se učenici ne zadržavaju u većim ili manjim grupama u prostorijama škole a i van nje, vrše pojačanu higijenu ruku i upotrebu dezinficijensa, prije ulaska u učionicu, prije i nakon jela, prije i nakon toaleta, a ruke osuše suhim papirnatim jednokratnim ručnikom koji se poslije baca. Također, dezinficijense ne treba koristiti više od dva do tri puta dnevno i to oni učenici kod kojih se nije javljala nikakva reakcija na koži uslijed upotrebe istih. Oni učenici čiji

roditelji potvrde da imaju bilo kakve promjene na koži uslijed upotrebe dezificijensa, nisu dužni koristiti dezificijense ali su dužni češće prati ruke sapunom i vodom. Dez – barijere koje su postavljene na ulazu u školu ne smiju se zaobilaziti niti preskakati, već svi učenici i zaposlenici koji ulaze u prostorije škole, a i roditelji po potrebi, moraju preći preko dez-barijere za koju će na ulazu biti postravljene upute kako se ispravno dez-barijera koristi.

17. Učenici će napuštati školu u manjim grupama nakon završetka nastave bez zadržavanja u prostorijama škole ili školskom dvorištu, uz maksimalno poštivanje fizičke udaljenosti između učenika.

18. U suradnji i komunikaciji sa razrednicima roditelji i učenici će dobiti dodatne upute blagovremeno a sve za dobrobit učenika i što bolju organizaciju ove školske godine. Učenici će svakodnevno biti educirani o ponašanju za vrijeme pandemije.

DIREKTORICA:

Mehridžana Alibašić, mr.sci